

Manmin nga mga Balita

NO. 52 ABRIL 5, 2015

Ang Nahimutangan sa Muan Sweet Water Puno sa Gugma og Gahum sa Dios

Kini maoy Lugar diin Napamatud-an ang Pagkatinuod sa Bibliya, Kaayohang Pagpamuhat, og Daghan ang Gustong Mobisita dinhi



Ang kasiguro og kahamili sa Muan Sweet Water gipamatud-an sa United States Food and Drug Administration (FDA)

"Unya nag ampo si Moises sa Ginoo og gipakit-an siya sa Ginoo og kahoy. Giitsa niya ang kahoy ngadto sa tubig og nawala ang kapait sa tubig..." (Exodo 15:25)

Ang mga miyembro sa simbahan naka eksperyensya og daghang kaayohan og mga tubag pinaagi sa Muan Sweet Water sulod sa 15 katuig. Daghang mga tawo nga gusto sad maka eksperyensya dinhi sa nahimutangan sa gahum sa Dios og nibisita ining maong lugar apil na nila ni Mr. David Waisman, kanhi bisi presidente sa Peru, og iyang asawa; Dr. Armando Pineda, director sa WCDN sanga sa U.S (World Christian Doctors Network) og Mr. Sergey Velbovets, presidente sa 'In Victory', ang nag unang Christian Portal website sa mga tawo nga Russian og sinultian. (Tuo, Senyor Pastor Dr. Jaerock Lee, nag ampo didto sa Muan Sweet Water Aquarium sa pag abli, og sa Muan Sweet Water Unveiling Ceremony)

"Human sa Sunday Morning Service niadto mi sa bungtod nga nahimutangan sa tabay. Nag ampo og nagdayeg mi didto sa Dios. Gamit ang duha ka kamot among gitilawan ang tubig. Ang unang miyembro nga nakatilaw sa tubig ni syagit, "Pastor Kim! Tam-is (mainom)!" Unya nanonod og tilaw ang ubang mga miyembro og niingon nga ang tubig sa una nga parat og pait karon maayo nang imnon. Nag ginaksanay mi og lipay kaayo! Dili namo makalimtan ang maong higayon."

Si Pastor Myungsool Kim nga nangalagad sa Muan Manmin Church nakahinumdom gihapon sa maong hitabo (niadtong Marso 5, 2000) bisan nilabay na ang 15 katuig.

Ang Muan Manmin Church nipahimutang sa santuwaryo ining maong lokasyon karon niadto pang Pebrero 1999. Ang simbahan naay sobra sa 23,140 sq.m sa isla sa Muan. Naa ni daghang mga adisyonal nga mag pasilidad og nindot nga tan-awonon. Apan wala damha ang problema: kuwang sa mainom nga tubig.

Nagkalot silag tabay, apan ang tubig nga nigawas parat kaayong imnon. Nagbutang silag 'hose' sa silingang lugar apan lisod kaayong trabahoa niabot sa 3 ka kilometro. Si Pastor Kim og ang mga miyembro nag ampo para sa mainom nga tubig. Usa ka adlaw nikislap ang ideya diha sa ilang hunahuna.

Kadto lihok sa Dios nga gihimo diha kang Moises. Ang parat nga tubig sa Marah nahimong tam-is pinaagi ni Moises (Exodo 15:25). Ang mga miyembro nakakita na sa daghang ilhanan, kahibulongan og gamhanang lihok sa Dios nga gipakita diha ni Senyor Pastor Dr. Jaerock Lee. Mao nga nagtoo sila nga ang parat nga tubig mahimong tam-is pinaagi sa pagpamuhat sa Dios.

Si Pastor Kim og ang mga miyembro nag ampo pag ayo, og ila ganing gipakita ang ilang pagtoo pinaagi sa pag binatiay, sa pag ingon, "Ang parat nga tubig nahimong tam-is." Pebrero 2000, si Dr. Lee nag ampo didto sa prayer – mountain house 6 ka simana. Atol sad ani ang mga miyembro sa Muan Manmin Church nag tanyag og relay-

fasting og mga pag ampo, nangandam aron sila mahimong angayan nga magdawat sa tubag.

Sayo sa Marso, pagbalik ni Dr. Lee gikan sa bukid, iya ning giampoan og ang parat nga tubig nahimong tam-is. Ilang nakita nga mahimo na ning imnon og ang mga tawo makadawat sa kaayohan og tubag sa ilang mga pag ampo kon moinom sila ani pinaagi sa pagtoo. Ang tubig gigamit sa daghang miyembro og mga tawo sulod og gawas sa Korea (samang panghimatuud sa p. 4).

Pag 2007, ang Muan Sweet Water gi konperma nga mahimong imnon og maayog resulta sa mga pag testing sa mineral-factors, heavy metals, chemicals' residues, skin reaction og toxicity pinaagi sa pag pakisusi sa U.S. Food ang Drug Administration. Mayo 2010, ang Muan Sweet Water nakaangkon sa kwalipikasyon nga i-export sa USA tungod sa pagpasa sa dugang pang mga test sa FDA. Pag 2013, ang Muan Sweet Water trademark na rehistro sa US Patent og Trademark Office.

Ang Muan Sweet Water sa Muan-gun, Jeonam Province perming gibisitaan sa daghang bisita, sulod og gawas sa Korea. Nibisita sila tungod kay gusto silang makakita sa lugar nga diin nagpamatuud sa pagkatinuod sa Bibliya. Og ang Muan Sweet Water Aquarium sa Manmin Central Church sa Seoul naka dani sa atensyon sa mga tawo tungod kay ilang nakita ang mga seawater fish og freshwater fish nga dungang nangabuhi diha sa akwaryum sa Muan Sweet Water.

Marso 5, 2015 mao ang ika-15 anibersaryo sa Muan Sweet Water. Sa selebrasyon, si Pastor Esther K. Chung, Vice chairperson sa United Holiness Church of Jesus Christ og kanhi Presidente sa Seoul Women's University, nihatod sa mensahe. Naay say selebrasyong pasundayag alang sa kahimayaan sa Dios. Sa nakita diha sa Muan Sweet Water, kon ang tawo motoo hangtod sa kataposan, og mosalig lang gyod sa Dios diin diha Niya walay imposible, iyang madawat ang iyang gitinguha.



Senyor Pastor Dr. Jaerock Lee

“Ayaw kamo pagpatay”
(Exodo 20:13).

“Ayaw Kamo Pagpatay”

sa kinabuhing walay katapusan.” Pagdumot lang sa isigkatawo, apan ang Dios niingon nga mamumuno na siya. Tungod kay ang pagpatay kasagaran gumikan sa pagdumot. Kon molambo ang pagdumot diha sa dughan, mahimong makahimo og daotang buhat sama sa pagpatay.

Sa Genesis 4, si Cain ang unang tawo nga nipatay. Tungod kini sa iyang pagdumot. Wala dawata sa Dios ang iyang halad tungod sa iyang pagkamasinupilon, apan malipayon Siyang nidawat sa kang Abel nga halad gikan sa pagka masinugtanon. Tungod ini si Cain nasilag ni Abel, nagka grabi kini og sa katapusan iyang gipatay si Abel nga iyang igsoon.

Ang ubang tawo nga naay pagdumot masuko, manunglo, makig away, masina, og mohusga, og mo pakatag sa sayop sa uban. Mohatag og kadaot pinaagi sa pagpanikas. Usahay, naa ang kalagot og dili gyod managad. Kining tanang daotang buhat nga gikan sa kasilag espirituwal nga pagpatay (Mateo 5:21-22).

Sa Daang Kasulatan, ang Espiritu Santo wala pa moabot, mao nga dili sayon sa katawhan ang pagtuli sa ilang dughan og magpakabalaan. Apan sa Bag-ong Kasulatan, naa tay Espiritu Santo sa atong dughan og Siya mohatag nato sa kusog sa pagpalayas sa mga daotan sa atong dughan. Mao nga kita kompletong makapalayas sa gamot sa ‘pagdumot’ og ‘pagpatay’. Sa atong pagpalayas sa mga daotan og sala og pagpuli ini og gugma, atong madawat ang gugma og panalangin sa Dios.

3. Hinungdan sa pagkadagma sa uban

Ang ‘pagduot’ nagpasabot paghatag og kadaotan sa uban. Sa espirituwal, nagpasabot kini sa paghatag og kadaot sa uban pinaagi sa pag giya aron mahilayo sila sa matuud.

Pananglitan ang meyembro niingon sa iyang leder nga, “Naa koy importante kaayong okasyon sa pamilya inig Domingo. Ok raba nga dili ko mosimba?” Kon ang leder motubag, “Kung importante kaayo, wala kay mahimo apan ang pagsupak sa Adlaw sa Ginoo.” Dinhi ang leder nigiya niya sa dalan sa kamatayon, og kini espirituwal nga pagpatay. Ibutang ta naay lain pang miyembro mohangyo sa leder nga, “nagkinahanglan kaayo ko

og kwarta, mahimo ba nga mohulam ko sa kwarta sa simbahan sa personal nga rason ako lang dayon bayran?” Karon, kon ang leder motudlo niya nga ok ra basta bayran, kini supak sa buot sa Dios, mao nga hinungdan sad ni nga ang tawo paingon sa kadaotan.

Sa ato pa, ang pagtudlo sa bakak og ang pagiya sa tawo aron mahilayo sa dalan sa kinabuhing maoy espirituwal nga pagpatay. Usahay mohatag ta og sayop nga tambag sa miyembro og mabutang hinuon sila sa kalisdanan. Dili gyod ni madawat, kon dili ta mahibalo sa insaktong tubag og tambag, ato lang ingnon ang tawo nga mokuha ka pa sa insaktong tubag og mopahibalo ka ra. Unya imo ning iampo og duol sa tawo nga sa imong tan-aw mas nakahibalo sa tubag. Aron maka tabang ka pinaagi sa saktong tubag.

Ang paghusga og pagkondinar sa uban pinaagi sa daotang mga pulong og ang paghimo og sinagoga sa satanas, pagpakaulaw, ang pagsolsol sa matag usa, espirituwal sad nga pagpatay. Kini makahimog panagbingkil og hinungdan sa daotang buhat. Labaw sa tanan, kon magpakatag og pagpakaulaw sa pastor o sa simbahan, ikaw manubag gyod atubangan sa Dios. Apan ang ubang tawo madaot pinaagi ra usab sa ilang kaugalingon pagkadaotan. Si Hesus nagbuhat ra gyod sa matuud, apan pinaagi sa ilang pagkadaotan, ang mga makasasalang Hudeyo og si Judas Iscariot napandol. Kon ang usa moingon nga dili na siya mosimba tungod kay naay laing tawo nga makasasala, wala siya daota sa uban, apan nadaot siya tungod sa iyang kaugalingong pagkadaotan.

Naay ubang tawo mobiya sa Dios tungod kay ang tawo nga ilang giilang kasaligan nibuak sa ilang pagsalig pinaagi sa bakak. Eksampol, tungod sa pagsalig naa silay mga kasabotan. Apan pagkadugayan nagka problema sila tungod ini. Apan kini nagpaila nga ang ilang pagtoo dili tinuod nga pagtoo. Ang Bibliya nag ingon nga dili ta mo garantiya og utang, og gitudloan sad sila sa simbahan nga dili manghulam o magpahulam og kwarta sa isig magtotoo. Apan napakyas sila sa pag ila sa matuud og nisupak. Dinhi, imbis mobiya sa Dios maghinulsol hinuon.

Og kon naay mo husga sa uban og ang maong tawo maduot sa kadaotan, naay posibilidad nga mapandol nalang sad ang ubang tawo tungod sa ilang

pagkadaotan. Kung naa silay tinuod nga maayong dughan og tinuod nga pagtoo, bisan pag makakita sila sa kalapasan sa uban, ila lang kining iampo og kaluy-an.

Ang uban mapandol tungod sa Pulong sa Dios nga giwali. Kon ang nagwali maghisgot sa ikapulo og moingon nga mapanalanginan ta kon maghatag sa saktong ikapulo, dili sila komportabli og moingon nga ang simbahan permi nagpasabot og kwarta. Kon ang magwali maghisgot sa gamhanang lihok sa Dios, ang ubang tawo dili motoo sa ilang unodnong hunahuna og mahasol. Kon naay kamaayo sa dughan aron pagdawat sa matuud, dili sila maglisod tungod sa Pulong sa Dios. Apan, tungod kay nagpuyo sa kangitngit, madagma sila sa Pulong sa Dios nga mao ang kahayag (Mateo 11:6; Juan 11:10).

Naay say madagma tungod sa huyang nga pagtoo og daotang dughan. Ang nakapadagma sa iyang isigkatawo naay responsibilidad niini. Kon magtudlo ta sa matuud, atong balansihon, depende sa pagtoo sa naminaw. Kon moingon ka sa bag-ong magtotoo nga, “Biyai ang pag sigig inom og panigarelyo og dili na gyod ka maninda sa adlaw’ng Domingo.” Sama kini nga nagpakaon ka og hiniwa nga karne sa bata nga bag-ong natawo. Bisin pa man tingali mosunod sila kay napugos, apan naa nila ang kahasol og basin moabot pa nga dili nalang mosimba.

Kon tinuod tang nahigugma sa Ginoo og sa kalag, magbantay ta sa atong mga Pulong aron dili madagma ang uban, apan mahatagan og grasya. Ato silang tudloan nga makaangkon og paglaom og kusog sa pag tuman sa Pulong, dili pag insulto og paghatag og kahasol sa uban.

Mahal nga kaigsoonan ni Kristo, kon imong gihigugma ang tawo, ang iyang mga sala og buling dili nimo dali nga makita (1 Juan 4:11). Bisin pag imong makita ang dakong sayop diha niya, naa kay kalooy, og imong sulayan ang pagtabang niya uban ang pagtoo aron moabot niya ang kausaban. Manghinaot ko nga ikaw makapalayas dayon sa pagdumot og mohigugma sa uban diha sa gugma sa Ginoo nga mohigugma bisan sa iyang kaaway. Ako mag ampo sa ngalan sa Ginoo nga sa imong pagbuhat ani makapuyo ka sa himayang nagsidlak sama sa adlaw didto sa Langit.

Sa Napulo ka Sugo, ang Dios nisugo sa Iyang mga anak nga dili mopatay. Wala lang ni magpasabot nga atong taposon ang kinabuhing sa uban apan nagpasibana sad sa espirituwal nga pagpatay. Gawas kon ang tawo nakahibalo sa espirituwal nga pagpatay, tingale maghunahuna nga wala sila makapatay og kampanting magtoo nga nakatuman gyod sila sa Sugo. Nabatonan ba gyod ang maong Sugo? Atong tugkaron ang tulo ka pasabot sa ‘pagpatay’ diha sa ika-6 nga Sugo, “Ayaw kamo Pagpatay.”

1. Pagtapos sa kinabuhing sa uban

Ang tanan mo konsiderar nga ang pagpatay og tawo maoy pinaka grabing sala. Apan kinahanglan nga ato sad hinumduman ang usa ka butang-ang paghikog, pagpatay usab.

Ang Dios ra gyod ang naay awtoridad sa kamatayon og kinabuhing, mao nga dili ta mahimong maghikog tungod kay ato ning kinabuhing. Ang paghikog sama nga nipatay, mao sad sa pagpakuha.

Ang ginikanan dili mahimong mopatay sa bata sulod sa tiyan. Ang pagpatay dakong sala, dugang pa ang pagkuha sa kinabuhing sa bata sala kini nga gibuhat sa ginikanan.

2. Ang pagdumot

Sa 1 Juan 3:15 mabasa, “Ang nagdumot sa iyang isigkatawo mamumuno. Og nasayod kamo nga ang mamumuno wala magbaton

Ang Pag-angkon sa Pagtoo

1. “Manmin Central Church” nagatuo nga ang Bibliya mao ang gininhawang pulong sa Diyos, perpekto og walay sipat.
2. “Manmin Central Church” nagatuo sa panaghiusa’ng lihok sa Diyos nga Trinidad: Diyos nga Balaang Amahan, Diyos nga Balaang Anak, og Diyos nga Balaang Espiritu Santo.
3. “Manmin Central Church” nagatuo nga kita mapasaylo sa atong mga kasal-
4. “Manmin Central Church” nagatuo sa pagkabanhaw og pagkayab ni Hesu Kristo, sa Iyang ika duhang pagbalik, panahon sa kalipay og ang Lanigt nga walay katapusan.
5. Mga Miyembro sa “Manmin Central Church” ni angkon sa ilang pagtoo diha sa “The Apostles’ Creed”, sila nagatuo sa unod sa mga pulong nahisulat niini.

“Ang Diyos mismo ang naghatag sa kinabuhing og ginhawa sa tawo og sa tanang butang” (Buhat 17:25).

“Ang kaluwasan makaplagaan lamang diha kaniya kay dinhi sa kalibotan wala nay laing ngalan nga gihatag sa Diyos ngadto sa katawhan nga maoy makaluwasan kanato” (Buhat 4:12).

Manmin nga mga **Balita**

Published by Manmin Central Church

Bisayan

29, Digital-ro 26-gil, Guro-gu, Seoul, Korea, 152-848
Tel: 82-2-818-7047 Fax: 82-2-818-7048
http://www.manmin.org/english / www.manminnews.com
E-mail: manmin@manmin.kr
Publisher: Dr. Jaerock Lee
Managing Editor: Geumsun Vin

Unsa ang Unodnong Hunahuna?

Ang unodnong hunahuna kaaway sa Dios

Ang utok sa tawo naay brain-cells nga mo han'ay sa 'memory device'. Kini mabutangan, matipigan og mobag-o sa 'kahibalo', og kining maong kabag-ohang proseso mo tugyan og gahum ngadto sa kalag.

Ang lihok sa kalag naay duha ka kategorya: ang lihok pinasubay sa 'espiritu' og ang lihok sa 'unodnon'. Ang 'hunahunang espirituwal' mo ugmad sa matuud diha sa dughan aron maoy mo kontrola sa 'kalag'. Mao nga ang Dios malipay sa hunahunang espirituwal. Tugbang ini, ang 'tawhanong hunahuna' magapamuhat sa bakak diha sa dughan og mopakita ni pinaagi sa lihok sa kalag, nga magsunod sa kalaw-ay og mo uyog sa dughan. Sa Roma 8:7 nag ingon, "... kaaway sa Dios ang tawong permi maghunahuna sa mga butang nga tawhanon."

Praktikal nga eksampol sa tawhanong hunahuna

1. Mopugong ni nimo sa pagtoo sa Pulong sa Dios

Ang Bibliya Pulong sa Dios nga mao ang espiritu. Kini mopasabot sa espirituwal nga kalibotan. Daghang parti sa Bibliya nga dili mahimo lang sabton pinaagi sa kahibalo, espikulyasyon o sa pagsabot nga naangkon pinaagi ining unodnong kalibotan.

Ang mga tawong naay unodnong hunahuna mogamit lang dayon sa ilang kahibalo kon maka dungog nga si Berhin Maria nianak ni Hesus o si Hesus nilakaw sa tubig sa dagat. Maghunahuna sila nga, 'unsaon man niya pag panganak kon wala pa siya maminyo?' og "Nilakaw ba gyod Siya sa tubig sa dagat? Tingali diha ra molakaw dapit sa daplin'. Dili sila motoo sa maong panghitabo.

2. Mohatag sila nimo og hinungdan aron dili ka motoo sa Pulong sa Dios kon wala kay makuha nga binipisyo

Kon ang tawo modawat ni Hesu Kristo og makadawat sa Espiritu Santo, ang ilang espirituwal nga dalunggan maabli. Unya ilang masabtan ang Pulong sa Dios, og ang pagtoo diha sa Pulong ihatag. Bisan sila nagtoo na, tingali usahay mosupak gihapon sa Pulong sa Dios kon dili sila maka benipisyo.

Pananglitan, ang Bibliya nag ingon, "ang labaw ninyo mahimong inyong ulipon." Kini nagtudlo nato paghatag og benipisyo sa uban. Apan mahimo silang maghunahuna nga, 'Kon ako silang silbihan, basin ila kung ipakaubos,' og 'ma alkansi ko kon maghimo ko sa butang nga ang uban ang makabenipisyo?' Natural, ining paagiha dili sila makatuman sa Pulong.

Ang tawo maghunahuna nga kon magsilbi sa uban ma alkansi. Apan ang Dios motuman sa Iyang mga Pulong. Kon magsilbi ta sa uban og magpaubos uban ang pagtoo sa Dios, Iya tang panalanginan aron tahoron sa uban og mahimong labaw nila. Apan, sa unodnong pagtoo, dili ta makatuman sa Pulong sa Dios, unya dili ta makapahimulos sa mga grasya gikan sa Dios.

3. Kini mo limita sa posibilidad aron ikaw maka eksperyensya sa lihok sa Dios

Atong na saksihan nga daghang tawo ang naayo sa ilang mga sakit og nakadawat og tubag sa ilang mga pag ampo.



Roma 8:7 mabasa, "Busa kaaway sa Dios ang tawo nga kanunayng maghunahuna sa mga butang nga tawhanon kay dili man siya motuman sa balaod sa Dios og dili gayod siya makatuman niini." Ngano nga ang hunahunang tawhanon kaaway sa Dios?

Tungod kay ang hunahunang tawhanon pugong sa tawo aron maka angkon sa espirituwal nga pagtoo nga makapahimuot sa Dios. Kini pugong sa tubag og grasya. Babag sad sa pag sulod ngadto sa espiritu.

Karon atong tan-awon kon unsa ang tawhanong hunahuna og atong susihon ang atong hunahuna.



Apan kon naa tay problema sa atong kaugalingon, kon naa ang tawhanong hunahuna, dili ta makaangkon sa insaktong pagtoo aron ma sulbad pinaagi sa pag ampo. Bisan pa og nakadawat ta sa pag ampo, apan wala mahatagi sa espirituwal nga pagtoo. Ang pagtoo dili makahimo sa lihok sa Dios.

Pananglitan, naa kay 'splinter' sa imong tudlo og dili ka makakuha ini. Ang uban ninyo maghunahuna, 'dili man na sakit. Nganong dili nalang moadto sa hospital? Aron ipa tanggal sa simple nga medical-treatment.' Apan kon mausab ang imong hunahuna, og moingon, 'Kon magapamuhat ang Dios nga maoy nagbuhat sa tanan, walay dili niya mahimo.' Kini makapahimuot sa Dios og Siya magapamuhat sigon sa imong pagtoo.

Sa atong eksampol, sa ubang kaso makapakita ta og pagtoo apan sa uban dili ta makapakita og pagtoo og dili gani maka hunahuna nga magpakita og pagtoo. Unya sa pagpaminaw sa daghang panghimatuud, makahimo ta sa pag guba sa tawhanong hunahuna. Dili ta maghimohimo og ato mahitungod sa lihok sa Dios. Apan atong batonan ang espirituwal nga hunahuna, 'Kini mahimong tubagon sa Dios.' Niya walay imposible.

4. Mohatag og negatibo og mopatalaw sa hunahuna aron dili ka mosalig sa imong kaugalingon

Kon masayop ka, o maka diskobre og kalapasan tingali mauwaw ka sa Dios og magsakit ang imong dughan. Apan ang tawo nga naay espirituwal nga hunahuna, mag ampo, 'Salamat Ginoo nga imong gitugot nga akong makita ang akong kasaypanan'. Ilang dasigon ang ilang hunahuna sa pag ingon, 'dili nako mohimo og usab ining sayopa. Mag usab dayon ko aron mahimuot ang Dios.'

Tugbang ini, sa tawhanong hunahuna, tingali moingon, 'Daghan kayo ko og kuwang. Dili ko higugmaon sa Dios.' O 'Ako nang gisulayan apan sayop lang gihapon. Dili gyod ko makahimo.' Sila ang magpa dismaya sa ilang kaugalingon, dili mag ampo, dili mobuhat sa ilang katungdanan, og dili gani moapil sa mga miting nga angayan nilang apilan.

Bisan pa, ang tawo nga naay samang kalisdanan mogamit sa espirituwal nga hunahuna magsulay nga mausab. Apan, ang tawo nga naay tawhanong hunahuna mosamot sa pagka negatibo, ma dismayado og sa kataposan mo surrender.

Aron maka baton sa espirituwal nga hunahun nga buot sa Dios

Roma 8:5-6 nag ingon, "Kay kadtong nagkinabuhi sumala sa ilang tawhanong kinaiya naghunahuna kanunay sa mga butang nga tawhanon ingon nga kadtong nagkinabuhi sumala sa espiritu naghunahuna kanunay sa espirituhanong mga butang. Ang paghunahuna kanunay sa mga butang nga tawhanon mosangpot sa kamatayon apan ang paghunahuna kanunay sa mga butang nga espirituhanon mosangpot sa kinabuhi og kalinaw."

Bisan pag atong ibutang ang atong hunahuna sa mga Espirituhanong butang, kon naa tay bakak sa dughan, dili gyod mawala ang tawhanong hunahuna nga mogiya sa kamatayon. Mao nga, ato gyod susihon permi ang atong dughan sa tanang higayon, palayason ang unodnong hunahuna, og magsulay pag sunod sa matuud og perming maghunahuna espirituwal.

1 Timoteo 4:5 nag ingon, "Kay ang pulong sa Dios og ang pag ampo maoy nagpakabalaan niini." Maningkamot gyod ta pag sangkap sa Pulong sa Dios, pag ampo og pag salibay sa mga bakak. Aron maka angkon ta sa espirituwal nga hunahuna nga maoy modala nato ngadto sa kinabuhi og kalinaw og sa kataposan makadawat ta sa mga tubag og panalangin.

“Akong nadawat ang gitinguha sa akong dughan pinaagi sa gahum sa Muan Sweet Water”

Ang gugma og gahum sa Dios naa sa Muan Sweet Water. Ang mga tawo nangaayo sa ilang mga sakit tungod sa tubig, og bisan gani sa hayop og mga tanom nagamit ni. Atong tan-awon ang 10 ka mga tistimonya gikan sa dili maihap nga panghimatuud.

Gawas sa Korea

Sulod sa Korea



“Human sa 10 katuig nga paghulat akong nadawat ang grasya nga manamkon”

Muskrat Asif, New Apostolic Church, sa Pakistan

Nahasol kaayo ko tungod kay 10 na katuig nga wala gyod maka anak. Ang akong bana og ako nagsulay sa daghang pamaagi nga manganak, apan wala gyoy nahimo. Samtang nakadungog ko sa Muan Sweet Water og daghang kahimoan ang nahimo ini. Nakasiguro ko nga manamkon kon moinom ko sa tubig uban ang pagtoo. Niinom ko og nag ampo. Sa kataposan napanalanginan nga manamkon og nanganak sa himsog nga batang lalaki.



“Ang akong anak naayo sa atopic-dermatitis”

Dr. Daniel Fuentes Acosta, Gynecologist & Obstetrician, Mexico

Ang akong anak, Daniel, naay atopic-dermatitis sa iyang kamot og paa sukad sa pagkatawo. Naka dungog ko sa Muan Sweet Water sa dihang akong nakaila ang mission trip team sa WCDN (World Christian Doctors Network) gikan sa South Korea. Niingon sila nga kon ang tawo mamahid o moinom sa Muan Sweet Water uban ang pagtoo iyang ma eksperyensya ang sagradong kaayohan. Nigamit ko sa tubig og nag ampo. Kahibulongan, si Daniel kompleto nga naayo anang simanaha.



“Naayo ko sa reflux gastritis og frostbite, og naka angkon sa maayong panan-aw”

Miyako Shimodaira, Iida Manmin Church, Japan

Nakaligkawas ko sa kasakit sa reflux-gastritis human sa pag inom og Muan Sweet Water. Nag antos ko sa ‘frostbite’ niadtong tingtugnaw. Mag dugo gyod ang akong tiil og dili ko makalakaw. Apan human na ampoan ni Dr. Lee og niinom sa Muan Sweet Water, naayo ko. Dugang pa, naka kita ko og klaro. Gi operahan ko sa katarata 5 na katuig ang nilabay. Imbis mogamit og eye-drops, akong sprayhan og Muan Sweet Water. Unya ang akong panan-aw nilambo gikan sa 0.6 ngadto sa 1.5.



“Naayo ko sa nabaling balikhaw”

Benjamin Debrey, France

Samtang nagduwa og ‘soccer’ uban sa akong pamilya og mga amigo, natumba ko og nabali ang akong balikhaw. Grabi kaayo ang kasakit apan nakadawat ko sa pag ampo ni Dr. Lee para sa mga masakiton nga gi-upload sa Manmin Central Church – website (www.manmin.org/foreign/main_fr.asp). Niinom sad ko sa Muan Sweet Water og nang-spray ini sa nabaling bukog. Ang kasakit nawala dayon! Ako nang malihok ang akong abaga. Kahibulongan!



“Ang nating baka nga kamatayon pag anak, nabuhi”

Jaya Mary, Chennai Manmin Church, India

Ang among baka nanganak, naglisod siya. Ang nati ni ungod sa pwerta sa inahan. Wala pa ko makasulay ini og wala gyuy ‘veterinarian’. Ang mga tawo niingon nga kamatayon na ang nati. Sa kalit lang akong nahinumduman ang Muan Sweet Water nga akong gidala sa among balay. Akong gibutangan ang inahan sa Sweet Water. Og iya gyung gianak ang nati. Halleluyah!



“Naayo ko sa herniated lumbar disc og sa hemorrhoids”

Deacon Taejin Heo, Parish 1

Dugay na ning akong hemorrhoids og sama kadako sa akong kumingking. Apan sa dihang paghumol nako sa Muan Sweet Water sa Muan, naayo ko. Unya pag Hulyo 2014, nahiling ang akong spinal-herniation. Nibalik ko sa Muan Sweet Water Site og ni tuslob nasad ditto uban ang pagtoo sa pito ka higayong pagbalikbalik sama ni Naaman sa Bibliya. Og sugod ato wala na ang akong mga problema.



“Ang hilus dali kaayong naayo”

Senyor Deconesa Sunja Park, Parish 14

Samtang nagluto, nayab-an og tubig init ang akong paa og tiil. Akong gibuboan og Muan Sweet Water ang akong hilus, unya nawala ang sakit. Apan ingon ang ubang tawo nga pabutangan kono og ice-pack, apan nibalik ang kasakit. Ako nasad gibuboan og Muan Sweet Water. Unya nawala na ang sakit, nibugnaw og naayo nga walay uwat.



“Wala nako mabalaka sa pagpangatangal sa buhok”

Deconesa Mija Ju, Parish 7

Babaye ko, apan nag antos kay ang akong dapit sa agtang nanga upaw. Guol kaayo ko ini. Usa sa akong nakaila nipasabot nako sa Muan Sweet Water og niingon nga mang-spray ko sa akong ulo. Nang-spray ko ditto sa simbahan, sa balay og bisan asa mang spray ko uban ang pagtoo aron mobalik og tubo ang akong buhok. Sulod sa 6 ka bulan daghan na ang akong buhok dapit sa agtang, lipay kaayo ko.



“Na doble ang akong pilok bisan walay plastic-surgery”

Deconesa Eunmi Kim, Parish 1

Bag-o pako sa pagtoo, ang akong amiga mosulti nako sa iyang testimonya. Sa dihang iyang gidawat ang pag ampo ni Dr. Lee human sa pagwali, naka angkon siyag doble nga pilok nga dugay na niyang gipangandoy. Nidawat sad ko sa iyang pag ampo sa tinguha nga maka angkon sa doble nga pilok. Pinaagi sa pag ampo, nadoble ang akong pilok apan sa usa ra ka mata. Nigamit ko sa Muan Sweet Water sa pikas nga mata, unya naporma ang nindot nga dobleng pilok.



“Ang problema sa akong pamilya na sulbad pinaagi sa Muan Sweet Water”

Sister Byeol Kim, Young Adults' Mission

Naa koy kalyo sa tiil. Nagdako ni og maglisod kog lakaw og sul-ob sa sapatos. Akong nadawat ang pag ampo ni Senyor Pastor nga gi-record sa Automated Response System (822-830-5320) og akong gituslob ang akong tiil sa Muan Sweet Water. Unya ang kalyo nihumok og nawala! Ang akong igsoon naayo sa buwinggit sa iyang mata og ang akong mama naayo sa grabing eksema. Ang akong lola, gi-sprayhan niya ang aparsimon nga kahoy nga kamatayon apan nabuhi ni og balik.

Mga Sangay ng Ministeryo ng Manmin sa Pilipinas

Manila Manmin Holiness Church	Bataan Manmin Holiness Church	Isabela Manmin Holiness Church	Cavite Manmin Holiness Church	Imus Manmin Holiness Church	Cebu Manmin Holiness Church	Davao Manmin Holiness Church
441 Patato St, J-Figueras Sampaloc, Manila, Pilipinas Pastor Jaebhong Uhm 2-735-1423	067 Daang Bago, Dinalupihan, Bataan, Pilipinas Pastor Jaebhong Uhm 2-735-1423	Purok 3, Brgy, San Roque, San Mateo, Isabela, Pilipinas Pastor Jaebhong Uhm 2-735-1423	5 Lot 33 Bk 1, Canutuhan (tenant), Santiago Gen.Trias, Cavite, Pilipinas Pastor Sharon Cho 046-850-3193 / 0916-674-3903 / 0905-319-8191	Blue Bell St. Plaridel III Sub. Bayan Luma 7, Imus Cavite, Pilipinas Pastor Jubeom Kim 0927-311-7633	LOT N. 402 - B-4 Looc Along Side The Canjulao Road, Lapu-Lapu City Cebu, Pilipinas Pastor Rossetta Sung 0921-635-7595	301 Ilang Ilang St. Flores Village, Bangkal, Davao City, Pilipinas Pastor Kathryn Kim 0908-635-2714